

壯洋官報

錄目

宮門抄

奏議○軍諮處奏遴派參謀官等片△民政部奏第二年
第一屆籌辦事宜摺△學部奏派員在丞參上行走等
片△湘撫岑奏洞庭湘江淤淺等處安設椿塔摺
公礦○督憲札一件△圍場廳稟一件△山西歸綏道稟
一件
文告三則△電報七則△新聞十二則
彙編○彙摘江蘇諮議局籌案

本局第一百十八期法政學報今日出版

昨晚京中專信延未寄到電局亦無電報送來以致 宮門抄 諭旨均付闕如統俟明日補登

宮門抄

十月十日 召見軍機

奏議錄要

軍諮處奏遴派參謀官暨准設混成協二等參謀官片

再查本處奏定陸軍參謀章程內開各參謀官均直隸於軍諮大臣等語當經奴才等分別電咨編練新軍各省暨
近畿各鎮嗣後各參謀官及參謀處總辦幫辦差缺均由本處遴員派充各省各鎮毋庸指名預保各參謀人員所

有升遷調轉亦應先行咨商本處以憑辦理各在案嗣准各省陸續請派前來所有近畿第一鎮二等參謀官忠海兩江參謀處總辦吳紹璘江甯第九鎮正參謀官翁之毅浙江混成協二等參謀官李燁章江北混成協二等參謀官靳雲鶚等各員均經奴才等先後札派前往嗣後所有應派各參謀處總辦幫辦及各鎮協參謀官擬由奴才等先行札派隨時奏

聞以昭慎重再查各國陸軍混成協有獨立作戰性質均設參謀官員缺擬請嗣後各省陸軍其已成混成一協者准設二等參謀官一員以資贊助所有邊派參謀處總辦幫辦各參謀官暨准設混成協二等參謀官各緣由是否有當謹附片具陳伏乞

民政部奏陳明第二年第一屆籌辦事宜摺

聖鑒訓示謹奏宣統元年九月二十九日奉

旨依議欽此

奏為遵章陳明第二年第一屆籌辦事宜恭摺仰祈 聖鑒事光緒三十四年十二月十一日憲政編查館資政

院會奏設立考核專科章程內開九年籌備事宜欽遵 懿旨責成內外臣工每屆六個月將籌辦成績臚列

奏 聞各等語除第一年臣部應行籌備事宜如城鎮鄉地方自治章程調查戶口章程業經陸續奏報外茲屆

第二年第一屆籌辦成績奏報之期查憲政編查館籌備事宜及臣部續擬籌備清單內開第二年應行籌備之事一擬訂自治研究所章程臣部於本年閏二月間具奏經憲政編查館覆核奏准通行各省在案一京師地方自治章程本年七月間臣部業經擬訂奏請 飭交憲政編查館核議一俟覆核奏定即將京師地方自治事宜妥籌

辦理一整埋京師內外城巡警廳區編制臣部於本年春間奏請將內外城巡警廳區編制另行組織警官員缺分

別裁併暨甄別整頓情形迭經奏明奉 旨俞允欽遵辦理一京師高等巡警學堂成立已久將屆卒業現復量加擴充擬於堂內附設警官巡警講習新班以廣造就並於內外城分設巡警教練所就現充巡警各員酌量抽出分班補習務期有裨醫學無曠職守一各省籌備城鎮鄉地方自治設立自治研究所查各省籌辦城鎮鄉自治情形除山西陝西甘肅新疆江西廣東貴州等處尙未據咨報外直隸一省籌辦最早天津議事會及董事會先後成立其餘各省均經奏咨籌辦有案至自治研究所惟江蘇浙江江西甘肅貴州等省未據咨報餘亦設立仍即督催一律趕辦以免延誤一各省籌辦廳州縣巡警查各省省會巡警大都開辦至外府所屬各首縣並商埠地方巡警有已經布置者有尙待推廣者本年六月間咨催各省將現時廳州縣實在辦法專案報部以重警政一各省設立省城高等巡警學堂及各廳州縣巡警教練所除安徽江西等省未據專案咨報甘肅一省咨請展限仍分別督催依限籌辦外其餘業經咨報各省或就原有學堂改設或另行籌設當經臣部分別咨覆准其試辦並將各省送到課程表冊逐加考核彙存備案一各省調查省會及外府所屬各首縣並商埠地方人戶總數迭經臣部通咨各省限於年內十月間將查報戶數填表送部至彙造各省第一次查報戶數清冊應俟各省到齊後再行彙核奏明以上各節或係臣部與憲政編查館同辦之件或係與各省同辦之件均經分別奏咨辦理至各省能否實力奉行臣部更應隨時考核曾於五月間擬訂巡視各省民政章程奏蒙 允准當即遴派委員分期巡視仍一面督催各省將應行籌備事宜迅速舉辦毋誤限期以仰副 朝廷實行立憲之至意此外單開之廳州縣地方自治章程應由臣等督飭司員擬訂草案詳細斟酌於第二屆期內另行具奏所有臚列臣部第二年第一屆籌辦成績緣由謹恭摺具陳伏乞

皇上聖鑒謹 奏宣統元年九月二十二日奉 旨該衙門知道欽此

學部奏調候補四品京堂蒯光典在丞叅上行走兼充督學局局長片

再前充歐洲游學生監督蒯光典業奉 恩旨以四品京堂候補查該員駐歐年餘留心學制於西洋各國教育國民之法考查甚詳本年臣部奏定分年籌備事目如設簡易識字學塾改良私塾推廣初等小學等事均為興辦國民教育之急務擬懇 天恩准以蒯光典在臣部丞參上行走兼充京師督學局局長使之本閱歷所得見諸

實行以期漸收化民成俗之效其現充督學局局長臣部右丞孟慶榮本係創辦該局之員於教育行政事宜考求有素即專令其在部贊畫一切則於部務尤多裨助而責成亦專矣如蒙 俞允即由臣部分別行知遵照是否 有當謹附片具陳伏乞 聖鑒謹 奏宣統元年九月二十五日奉 旨依議欽此

湖南巡撫岑春煊奏洞庭湖江淤淺等處分別安設浮樁燈塔摺

奏爲湖南洞庭湖及湘江淤淺各處分別設立浮樁燈塔以利商輪恭摺仰祈 聖鑒事竊照湖南洞庭湖上通常德下達岳州向稱巨浸自岳州長沙通商以後中外商輪往來如織惟近數十年來因漲水挾有沙泥湖底日漸淤高除西湖已成洲設立南洲直隸廳外其餘湖面雖水勢浩森而淤墊之處所在皆有扁山等處有礁石不特冬間輪船難於行駛即夏秋兩季湖洪莫測亦動虞擱淺由湘江上至長沙湘潭淤淺情形亦復相同港路淤阻如此不但與行輪有碍尤於長岳兩關稅課及各處商務均有關係必須詳加測勘擇要設立樁標以爲各輪引洪鍼路當以通商各口岸凡有水淺之處設立浮樁燈塔均由各關稅務司經理即經臣電商外務部稅務處札行總稅務司赫德飭派巡工司額得志來湘測量旋經額得志帶同巡江司奚理滿先後勘明由岳州至常德共應設浮樁燈塔十二座估需銀五千一百兩自岳州入湘江經長沙至湘潭共應設浮樁燈塔七處連預備撞損更換各費共約需銀二千二百兩繪具圖說報經臣先後電請稅務處札行總稅務司轉飭岳州長沙兩關稅務司照估購備料物分別安設嗣據升授按察使前任岳州關道周儒臣稟接該關稅務司偉克非函稱沿湖上下應設浮樁各處續經額得志詳加測勘與原圖稍有更動統計扁山等處共設浮樁標十九具新挖口白沙塘安設燈塔兩座所有自岳州至長沙均係通商口岸設立浮樁燈塔應照章歸海關撥款經理其至常德一帶現屬內港連一年燈油之費在內共計需關平銀一千三百八十五兩請即撥還經臣批飭在於常埠開辦經費內支給並據長沙關道朱延熙以湘江淤淺各處應設浮樁燈塔該關稅務司亦已次第安設齊全洵於商輪有益等情稟報前來除飭沿江濱湖各州縣及水師營弁將所設浮樁燈塔隨時妥爲照料保護以免損壞並咨外務部稅務處度支部查照外所有洞庭湖及湘江淤淺各處分別安設浮樁燈塔緣由理合會同湖廣總督臣陳夔龍恭摺具陳伏乞 皇上聖鑒 奏宣統元年十月初五日奉 硃批該衙門知道欽此

公牘錄要

督憲端准外務部咨送統計表請將三十三年外交事宜填註札飭津海關道遵照文

爲札飭事九月二十六日准 外務部咨開前准 憲政編查館咨稱光緒三十三年九月十六日本館附奏請

飭各部院衙門均設統計處一片奉 上諭朕欽奉 慈禧端佑康頤昭豫莊誠壽恭欽獻崇熙皇

太后懿旨統計一項尤宜由各部院先總其成著各部院設立統計處由該管堂官派定專員照該館所定表式詳細臚列按期咨報以備刊行統計年鑑之用欽此刷奏咨行欽遵照辦又准咨稱本館正擬訂各項表式應將該管一切事宜詳細開送以便參考斟酌定准各項表冊式樣再行分別咨發照式填註各等因本部當將所管一切事項擬出表目咨送憲政編查館查核酌定表式見覆去後茲准咨覆稱當即督飭統計局員詳加覆核擇其應列統計事項擬定表式四十有一其中如有應行變通之處仍由貴部酌核辦理以期盡善等因前來查憲政編查館送來表式內列凡關於各直省外務統計事項本部均無案可稽勢難照式填註相應照錄原送表式咨行貴大臣查照轉飭先將光緒三十三年分關於外交事宜詳細查明照表填註限文到一月內聲覆本部以憑辦理可也等因到本大臣准此合行札飭札到該道即便遵照辦理依限具覆以憑轉咨此札

圍場廳傳承激源稟會議警務改良開會研究各事宜文附清摺並批

敬稟者竊查前奉警務處札發州縣警察會議章程第七條內載常時會議每年應開二次以四月十月兩月爲定期並飭將所議事項據實稟報等因茲屆本年四月應行開會之期適值卑職因公赴津省面稟地方事宜迨旋署後於七月初二日遵即傳知總局巡官警董暨各區區董警董共三十六人齊集卑廳巡警總局共相討論逐事研究以期集思廣益所有四鄉巡警常年經費業經學警兩董以及各區區董警董等商允公同具稟隨糧帶徵自本年秋開徵爲始業經另文詳報在案除將警務事宜仍由卑職隨時整頓總期日有進步以仰副 憲台肅靖閭閻保衛治安之至意所有卑廳遵飭會議警務改良並開會研究各事宜緣由理合開具清冊稟呈 大帥查核肅此具稟恭請 勛安伏乞 垂鑒

總辦圍場廳警務事宜傳 爲集紳開會籌議事竊思巡警爲治安要政迭奉警務處頒來通飭章程凡所定權限

處分規則至美盡善尤宜實力奉行不宜因循延誤稍事敷衍致滋流弊自愧學疏才淺猥蒙 憲檄來宰斯土客秋九月蒞任以來迄今計將一年現值時事多艱預備立憲之際百端待舉必須官紳和衷襄辦以樹基礎伏查廳街總局原設馬步巡兵近在署前尙能遵守警章惟聞四鄉巡警散漫紀律毫無能守警章者甚鮮近有擅責擅罰時滋事端巡兵之自由日甚地方之貽害無窮若不亟圖補救弊害伊於底止再查各鄉警費均按地畝攤派無一定章凡巡警一切事宜而警董置之不問仍歸鄉牌經理花戶有交警費者牌頭先扣自己工食其餘纔作警費之款甚至各鄉大戶自認巡警一二名永不到局遇點驗時即著羊官牛官冒充膺差其中難免無弊至於花戶按地出資巡所警費不敷開支餉乾所以不能按月給領巡警因無口糧馬無喂養解散者有之似此情形圍場巡警毫無進步何日能有起色今特定期七月初二日在總局開會邀集各鄉紳董預算各鄉常年警費每月果係開支若干區董警董區長巡長兵等薪餉以及巡所每年歲修各劃一律章程統計需用若干各按各鄉地畝多少隨課帶收仍按照自治公所經費責成戶房經收用三聯印單備查每月朔由各警董經理造具花名每名應領數目清冊一本墨領一張交於各區董彙齊送交總局轉呈署中備查過日批發仍由總局警董按區發給各區領回分發然後在本區之中每月張榜報告俾衆周知如此辦法隨糧帶徵警費可以垂久亦可少弊以副 上憲屢次札諭四鄉警費概由總局給領諸紳亦免爲難催收事半功倍無踰於此仰卽實行可也另有專條列左 計開 一圍場四鄉巡警常年經費的款應議劃一章程總以隨糧帶徵方有準底亦免參差現奉警務處札飭圍場四鄉巡警經費仿照內地隨糧帶徵由總局支發庶可劃一平日亦免鄉牌催收尤少許多流弊 一圍場幅輻寬廣分定七區選舉公正殷實充膺區警兩董凡各區應辦警務事宜各警董務必和衷共濟幸勿各存意見 一七區區警各董均已諭派妥協概係熱心公益素所欽佩原不計較薪水今擬遇有公事往來會商每月擬給車馬費開會時公同酌議定安照行 一四鄉區所巡所區長巡長巡兵伙夫等每月餉乾工食雜費等項宜妥爲預算決算 一各區所巡所應設適中大道之處總以消息靈通爲要 一四鄉區巡兵等晝夜均宜在區所住宿分班下道如有私自在家住宿由區長查出稟知巡官或記過或調換以儆其餘 一廳街總局設有巡官一員總警董一員區中設有區警董各員分任其事至於權限務必劃清俾有專責擬將警務處發來州縣警務人員職務權限規則處分規

則鑄印成本發給各區各鄉存閱俾有遵守 一四鄉區巡長兵等概歸總局巡官直接管轄如有不遵警章故意違犯者准由巡官調查屬實稟明總辦仍由巡官革補 一四鄉區長巡長今已遵章選派曾經警務處派員來廳將上年傳習生考驗畢業發給文憑前往充當區長巡長以符定制如區巡長到差有違警章者由巡官查明稟撤或被入告發立即黜退追撤文憑申繳由巡官另選補充 一區巡所原為巡警辦公之處凡鄉牌人等毋得在此閒坐喧笑 一四鄉區巡兵伙夫等每月餉乾數目議定每兩合圍錢十吊文不論漲落一律悉照此數發給 一四鄉遇有外國人暨委員經過必須區巡長督率護送來往行人天晚亦須照送如有舛錯即惟該區長地段是問 一現在四鄉禾稼成熟如有偷竊情事即令將人賊送署究辦不得自專私罰 一各區所巡警槍械原為巡兵自保己身不得亂放子母務須收儲切勿擅發 一設立巡警公共有益所有大戶深明大義不得自認一二名暗在家中保護必須由中公僱募一律在所充當差使以昭公允 一四鄉各區所巡警操衣槍枝半皆破壞妥議辦法總以整齊為要 一區長所管區內如有搶劫明火限二十日責成該區破獲正賊者即得免革 一四鄉私自分牌於下道巡邏殊覺勢孤應公同在所膺差方合章程 一現遵警務處札在於總局開辦第一班教練所已飭巡官不必另招即於各區巡兵中擇選二十名入所教練首重慎選人品不染嗜好為要圖遵章六個月畢業仍回區所互相教練改良復於各區中輪流來所教練再開第二班俾人人皆知巡警之職務久之自有進步四鄉所出警費亦不虛糜 一開第一期教練所苦無專款經費凡來所教練係屬自費每月應攤伙食即仰總局警董由所領月餉中扣留歸墊以免拖欠賠累 以上各條恐有未臻妥善開議再為更正期於完備 督憲端 批稟冊均悉仰警務處核飭遵照繳

山西歸綏道稟查禁煙苗出力各廳分別優次請獎文並批

敬稟者竊查前蒙憲台札飭照得晉省煙苗業經 奏明自宣統元年為始一律不准再種令即多派誠實可靠員紳嚴行查禁等因蒙此職道查本年禁煙事在實行不容稍涉敷衍致誤大局當於本年正月間煙籽未曾下地之先刊刻簡明告示分發各廳先行張貼一面分委留道委員前往會同各廳實力查禁並札飭歸綏巡警管帶多派弁兵分投嚴密履查以期淨絕根株去後茲據歸化武川寧遠薩拉齊五原興和豐鎮東勝托克托城清水河陶林

和林格爾等廳先後稟稱本年土藥煙苗業經遵飭會同各委員分路逐村查禁淨絕向年種植煙苗之地均已改
莖雜糧委無留一莖餘孽並據分道各委員暨歸綏巡警營弁兵前後回道銷差面稟前情各等情據此職道覆加
查核無異遵查洋煙流入中國已百餘年矣種植煙苗者幾至遍地皆然弱國病民其害無以逾此今各該廳等一
奉禁令即行會同各委員越山涉嶺不辭勞瘁實力搜查嚴行禁種而使百餘年之毒卉一旦淨絕實屬勇於從事
雖整頓地方係屬有司專責而各該廳勤奮從公不無微勞足錄應如何保獎以示鼓勵之處出自逾格鴻慈除分
道查禁煙苗出力各員另行開摺咨司外獎並歸綏巡警弁由職道就近獎勵外所有查禁煙苗出力各廳理合分
別優次開摺具文稟請大人查核俯賜批示祇遵 計開 查禁煙苗最爲出力各廳 歸化撫民同知樊恩慶
署武川撫民同知李壽芝 署薩拉齊撫民同知劉守德 代理甯遠撫民同知候補知縣焦連城 署興和撫民
同知任蘭馥 署托克托城撫民通判林朝元 署陶林撫民通判李慶棻 署和林格爾撫民通判謝錫慶 署
清水河撫民通判章耀 查禁煙苗出力稍次各廳 調署五原撫民同知晁鴻年 署豐鎮撫民同知林開棻查
該丞初禁之時甚屬寬緩嗣經職道稟請記過後頗知愧奮不至誤公 署甯遠撫民同知劉東美 署東勝撫民
通判石耀宗

晉撫寶 批據稟已悉仰布政司彙核詳辦繳摺存

文告錄要

郵傳部鐵路管理傳習所簡易科招考告示○爲出示曉諭事照得本部設立鐵路管理傳習所招生肄業已經取
錄英法文學生入堂分別授課三年畢業現添設簡易科一年畢業應收錄學生以一百二十名爲額在北京天
津兩處同時招考定於本月二十一日按科分期考試自本月初十日起到本部承值所報名填冊至十七
日截止所有招考章程及功課表列後仰投考諸生一律遵照切切特示 招考章程 一本科學生以年在十
八歲以上二十五歲以下已受普通教育者爲合格 一本科學生入學後教以鐵路管理淺近之知識使畢業
後實能從事於鐵路之簡易執務爲宗旨 一入學程度(一國文能作三四百字清順者)(二中國歷史)(三
中國輿地)(四理化能明理化學大意者)(五算術加減乘除分法)(六代數加減乘除)(英文能作淺近答

問者) 一學生限一年畢業畢業後擇尤派往各路酌量分別委用 一報名考試在京取具同鄉官印結本旗圖片在外取具殷實舖戶蓋戳 一考取學生由官醫細驗身體強壯無疾病者 一入堂時各覓保人填註保結本生自具志願書一通存案方准入堂 一入堂後不收學費所有筆墨紙張及一切雜用品均不發給除講義外其教科書及操衣學衣靴帽均由堂備辦該生繳價領用 一入堂後考試成績最優者酌給書籍彝器等獎品以示鼓勵 鐵路管理簡易班功課表 一國文 二中國輿地 三英文 四算術 五工程大要 六鐵路通論 七鐵路組織 八鐵路法規 九鐵路經濟 十鐵路歷史 十一鐵路簿記 十二普通簿記 十三鐵路會計 十四商業通論 十五商業道德 十六旅客運輸 十七貨物運輸 十八應用公牘書函 藩台批示○趙州附貢蘇惠如呈 批據呈劉丙申借用爾家制錢七十吊以地契作押現在劉丙申復將押地轉賣與田洛滿爲業如果劉丙申將借錢如數歸還並無不合爾何得藉鄰挾制著即回籍自邀原中理息毋再以此微小事來轅上瀆○東明縣商人崔光縉等呈 批此項官米究竟始於何年何任是否該商等實在力有未逮應否裁減候札飭該縣確切查明據實詳奪

電報錄要

直隸警務處批示○昌黎縣警務畢業生唐萬清稟懇入研究所一案 批據稟已悉該生屢請入研究所情詞懇切志趣可嘉惟研究所經費有限學員額數已滿一時礙難補入仰該生迅即回籍俟學員有缺額時再由本處調補可也此批○候選縣丞高等警務畢業官生王槐三稟入研究所一案 批據稟已悉查研究所學員業經滿額一時礙難補入仰該生迅即回籍俟學員有缺額時再由本處調補可也此批

路透電○西十一月二十號倫敦來電云刻下英屬沙嘴至開路(均譯音)之地方火車已經開行並可通至杭溝(譯音)地方

又電○西十一月二十號倫敦電云中國考查海軍大臣洵貝勒刻在倫敦登岸各國海軍水師兵官並各國駐英公使接待如禮英國在坎林(譯音)谷瑞斯地方派有馬步隊迎護陸砲致敬異常優待貝勒即隨同各國公使乘車往行邸宴會

又電○英皇於二十一號接見洵貝勒並在文德蘇(譯音)宮內宴會異常優待

又電○德國預算明年加增水師長年經費一百二十五萬鎊之譜並裁節陸軍明年經費銀一百五十萬金鎊

柏林電○德國國家預算表聲明於西歷一千九百十年添設德國參贊大臣由天津領事陸補

東京電○日皇特賜日金五千元爲旅順口前設之表忠塔常年補修經費

韓城電○西十一月十七號韓國漢城地方開日本大祝會其內容擬以司法權委任日本云是日韓日兩國來會

者約有數千人

新政紀聞

政治

奉移大差人員回京○此次 孝欽顯皇后奉移大差人員昨已陸續回京其蘆殿篷帳及一切工差之車已

絡繹於道其警廳之步隊馬巡隊等亦已多數回京矣

電詢資政院選舉法○憲政編查館接浙撫電云本月十一日選舉資政院議員是否議長副議長亦在被選之列

希即電示以便遵辦當即電覆云江電悉選舉資政院議員所有議長副議長亦得在被選之列此覆

電詢資政院議員補選法○憲政編查館接皖撫電云前奉資政院電開皖省諮議局應選出資政院議員五名當

即札行該局照辦此項議員選出所遺之額應否續選補足其補選之法是否就全省候補復選當選人中統選

抑仍就各府直隸州複選區域續選按所遺之額按次以原有候補當選人遞補之處統候補裁電覆俾有遵循

是所盼禱當即電覆云江電悉諮議局選出資政院議員所遺之缺應仍就各府直隸州定額按照所遺依次以

各該府直隸州原有候補當選人遞補此覆

學務
催繳學生操衣費○郵傳部開辦鐵路管理傳習所因學生未繳操衣費經該所監督出有牌示云 郵傳部鐵路

管理傳習所監督示未繳操衣費學生知悉操衣費一項業已展限至初一日繳齊今初一日限期已滿仍未繳

齊因再展至初五日止一律清繳如再蹈延玩之弊本所不取此等學生即將所發學衣退回自行出校可也此

示又示該生如願自行備製者卽至監學處當面呈明其服式顏色須與本校所製者一律不得違異云云
俄文講習所開課○京師西城關才胡同兩等小學堂內附設之俄文講習專修科定於本月初七日下午六點鐘
開課並聞入所研究共有二百人上下云

簡易識字學塾招生○保定東北城簡易識字學塾招生廣告云該所設於全節堂兩等小學堂願學者速來報名
毋得自誤特告又西關簡易識字學塾招生廣告云該塾設於皇華館清苑官立第一高等小學堂內

軍政

寬展學習海軍期限○湖北陸軍特別學堂附設海軍班學生原定四年畢業扣至今冬卽屆期滿茲監督劉香遠
觀察以海軍之學功課愈多現在該生等尙未講習完全與其迫於期限學而無成不如寬展時日俾學成有用
特稟請督院將該班學生畢業年限加展一年所有海軍教員日少佐相羽恒三等亦各展訂一年合同截至宣
統二年十二月期滿已由陳制軍批允照辦矣

鄂省擬編第十一鎮○湖北陸軍現僅練成第八鎮一鎮至應練之第十一鎮刻僅編成一混成協照部章應於兩
年內編練完備陳制軍以目下財力支絀餉項難籌特擬一變通辦理之法將前後左右四路巡防隊共十二營
一律改編爲第十一鎮二十二協步隊再招砲兵騎兵各一標輜重工程各一營卽足一鎮之數如此辦法按月
不過增添餉銀二萬金似尙易於籌措至開辦費約需銀二十萬兩擬於公債內撥用昨已分飭藩司督練處善
後局第八鎮張統制二十一混成協黎協統會議辦法以便奏請施行

民事

請設內河漁團之計畫○浙江蕭山縣所屬之西小江地方爲杭紹水路必由之處河面遼闊本爲不法團體淵藪
近年水旱頻仍盜賊愈熾行旅時被劫掠現屆冬防商民咸懷戒心日前該縣紳耆諸維仁等發起聯合各界擬
在西小江地方設立漁團董事所招集各團戶分段著魚購船梭巡以衛行旅一遇盜警卽責成各團戶協力捕
拿倘有商船遇風或行人失水一併救援俾資保衛而與漁業等情聯名具稟撫院請示現增中丞以該紳耆所
稟係爲振興實業保衛航路起見似可照准惟該處向來有無蕩戶是否毫無糾葛於水利有無窒礙所定簡章

是否妥洽即日札飭紹興府分飭山蕭兩縣查勘明確呈候察辦

鄂屬水災籌辦賑撫○鄂屬被災之區現在發放賑款人員多不能躬親其事加減開報朦混取巧以圖自肥情事昨爲陳制軍訪聞以沔陽州如此他處可知特嚴札責成督辦賑務盛道春頤馮道嘉鈞等督率地方官及印委司事人等務於散放賑錢之時順便覆勘隨查隨放勿稍含混一面嚴行約束經手放賑員司如有災戶漏發賑款或發而尅扣短數查明何人侵吞卽行據實稟請就地正法以昭炯戒若辦事得力將來查放完竣後准照異常勞績保獎以彰其勞故近日各屬放賑員司懾於重典辦理異常認真鳩形鵠面者不致無勺水之濟矣而盛杏蓀宮保亦有電來以現值天氣寒冷災區小民情實可憫刻在上海勸辦舊棉衣襪六千九百套棉被胎二百條卽日交江孚船運鄂請卽轉發災區量爲散放並墊款託山海關周道代辦高粱一萬石每石計重三百二十斤由鐵路運漢以濟災黎又漢川縣何令蔚孫辦理災賑極爲因循急賑尙未開放工賑平糶亦無開辦定期現經陳制軍查知特飭將該令記大過一次先行摘去頂戴仍飭將災民戶口迅卽查清核實散放如再延誤定卽撤叅以爲玩視民瘼者戒

商務

商會移覆銀行票紙情形○浙藩顏方伯以度支部釐訂表式令各省官銀錢號將發行票紙數目及準備各數填寫報部當經照會商務總會查覆茲據該會覆稱浙省官商銀行發用票紙必先造定版式註明每紙作一圓五圓至十圓爲率者名爲鈔票以票當洋聽民間普通使用省垣除大清分銀行特別通用外餘若官設之浙江銀行以及商立之興業銀行硤石之大通銀行皆稟由地方官驗資呈部註冊奉飭辦理章程遵守該銀行票紙均係獨立性質與錢業不同各莊號原有之銀行票單等其數目之多寡限期之長短均由出票號與受票人隨時交接類皆沿用習慣彼此相安除嗣查有各錢莊商號應得備資按驗註冊之家卽行傳知遵辦

湘省商務分會奉准○湖南永州商務總會擬設分會公舉總理繕具章程請商部准頒圖記式樣部中以該會所擬章程大致尙無不合應卽照准總理周炳文既據各商公舉核與定章相符亦應照准札充並附給札文一件圖記式樣一紙轉給祇領並飭將會董銜名報部備案云

兵衛節省行政經費利於國者免解雜費公費免墊補虧累利於州縣者一律完折無浮耗無需索利於民者當此預備立憲清理財政之秋既見漣連之弊不可終日自應廓然一清以利我民生 國計謹撮大要并另具理由請公決建議 方還提議 贊成者于定一孟昭常楊廷棟雷奮錢以振

一官膏專賣停止膏捐議案 今日禁煙政令一方嚴禁煙燈一方照徵膏捐名爲寓禁於徵實則大相鑿枘卽如

吸煙牌照之實行委付其權於膏店恐私購土私售膏之弊必不能絕爲今之計莫如停止膏捐勒令膏店一律閉歇由官設立官膏局許土藥行商附股原有之土行概令閉歇縣城設總局一鄉鎮各設分局一月報售數於省城總局以規遞減之率如是則煙燈不禁自絕而重收膏價限制吸食稽查行旅等事皆易實行矣 丁祖蔭提議 贊成者陶惟坻蔡璜金祖澤錢崇威費樹達劉永昌

一實行印花稅輕減田房契稅議案 部定新例契稅每兩三分外加徵銀六分數近值百抽十近行印花稅章程田房契亦俱列稅項迹涉重徵西國註冊稅雖與印花稅並行而註冊爲證明契約含有報酬性質故稅從其輕在英國則專課印花不行註冊稅今中國仿行印花稅之始益以契稅加徵民間擔負過重人心易於騷動擬請諸督撫以利害達部契稅一項暫從舊例徵收庶不妨碍國家印花稅之實而民間得免重徵之累 丁祖蔭提議 贊成者陶惟坻蔡璜金祖澤錢崇威費樹達劉永昌

一治匪議案 青紅幫遍地皆是劫搶之案日有所聞良民不能安枕伏戎於莽良可畏懼除大幫梟匪應另籌捕勦外先爲簡便易行之法 一會同自治會先清內匪外匪非有本地內匪交通窩頓不能停留生事近聞各鄉邨鎮每處輒有著名匪目獨霸一方以次收招徒黨橫行生事姦占婦女詭詐民財甚至勾通外匪大幫行劫本地正經紳董多半畏事不敢驚惹卽或激動公憤聯名送縣略加懲治若輩賄買差役串通取保是其慣伎州縣偶不經心任令保出修怨尋讎益無忌憚爲害何可勝言現擬地方如有此等惡匪由公正紳董聯名具呈報告本州縣地方自治公會由會派人秘密調查但不可露洩致令聞風起釁如果確實由會代呈州縣官署切實懲辦長期管押若遇取保亦須交由自治會查明具呈始能釋放 一移送警局罰作苦工班廳押犯太多勢不能容惟有移送警局鎖押管領令其清理街道平治路途俟華工人滿再行移送習藝所以爲學成釋放之次第

一嚴禁會場唱戲賭博匪人不能無故聚集也鄉間賽會開場唱戲大放賭局於是匪人連翩而來呼朋引類齊集一處始而聚賭繼而搶劫鄉愚游手或不事事或博負過多勾引入羣蔓延愈廣亟宜禁止會戲以迎神賽會糜費之資作爲公益會場不開賭局不放匪人自然無從聚集矣 仇繼恆提議 贊成者孫啓椿王嘉賓方瑜侯瀛唐慶昇王乃屏嚴懋修

一實行清理戶口議案大綱 一實行調查非同日舉辦不可也今之所查枝枝節節而爲之決無確數可得但二十一年省同日舉辦應預支配調查員數儘一日內足以竣事方無窒碍日本明治維新以後已辦過一次美國則十年一行之如英德各國三年五年不等中國可視物力豐歉以爲定 一掌管戶口非遍設警察不可也開辦伊始官紳宜會同警察辦理於確數未得之先即應預爲布告查之次日無論何人均當服守規則凡生死出入遷徙皆應隨時赴局呈報隨時由局登記遲者不得逾三日違則有罰國家專設戶口大吏總持於上下以其事委之府廳州縣至於臨時登記之責稽查之權則以各區警察長任之（警察長宜用本區人各種簿籍可參用日本戶籍法所載）每區分甲每甲有長並參用前明及 國初舊制 一實行經費非特別寬籌不可也同日舉辦即開辦一項所費不貲中國物力艱難談何容易椿以爲天下非常政治必有非常政策戶口未查以先宜亟行印花稅指撥定數以充此費好在目前只需一次及戶口已清不妨就個人設法令其自保戶口每歲每人出銀二錢富者倍之極貧免出中國人民號稱四萬萬果皆出自保戶口之錢約略計之每歲得銀六千餘萬不亦裕乎然則欲圖今日富強必自人人有職業人人有擔負始欲知人人有無職業有無擔負因施其董進懲罰之方以期抵於富強而後已舍清理戶口別無下手方法故曰戶口者萬政從出之原也 孫啓椿提議 贊成者唐慶昇陶保晉王乃屏侯瀛嚴懋修方瑜

一南漕改折勻定公費議案 欲補救州縣之困難莫如勻定公費公費款項無自出莫如實行南漕改折以運費充公費而得官民之交便謹陳辦法如左 一招商設採運公司於津漢上海以濟京師民食（附款）按南漕額數豁免釐稅以利轉輸而平米價 由海關限制運數發給護照以嚴海禁 一裁撤倉糧職官胥役以節國家地方經費（附款）改糧道爲兩屬勸業道改屯田爲民業 一免解漕糧運費抵補州縣公費（附款）

心力交瘁

重慶有告退知縣曾患腦虧身弱之症數年之久氣體衰頹迄無良方以絕後患乃竟得韋廉士大醫生紅色補丸之功復其精力除其病源矣

湖南知縣魏君芳罷官而歸居於重慶曾將其所親試之韋廉士大醫生紅色補丸之益函告如左云○西歷一千九百年北方拳匪倡亂時余在湖南常德郡曹任兼總辦警務差斯時匪勢甚熾因巡此防認真晝夜不寐積日既



萬渝辭 久腦筋大受虧損身體異常衰弱幾為不治之症後罷官督省遍嘗
職知縣 寓有沈君者告以韋廉士大醫生紅色補丸為補血補腦中之聖藥
魏君芳 余遂立意嘗試之即向中法大藥房購得一瓶依法試服腦中及一星
詳述章 愈矣冬間神漸復由是續購六瓶連日服之迨至一月後則腦疾頓
廉士大 益特書寸箋鳴謝並略誌其事廣告同胞以證紅色補丸之功也余因親受此丸之
醫生紅 湖南知縣江右魏芳拜贈 韋廉士大醫生紅色補丸為天下著名
色補丸 補血補腦之聖藥屈指二十年來業經醫治無數之人所患 胃不消
之奇功 氣衰 肝經各病 頭痛頭暈 背骨疼痛 風溼骨痛 腎虧痠痛
化 諸虛百損 腦筋衰弱 少年虧喪 陽萎不舉 胃不消

胸膈漲痛 左癱右瘓 跳舞瘋病 腳氣衝心 瘡疥疔疹 山林瘴氣 以及操勞過度等症又曾醫治婦
女經水不調一切諸患均有絕大效驗中外皆知洵為女界中著名之聖藥也 韋廉士大醫生紅色補丸中國各
處商店藥局凡經售西藥之處均有出售或直向上海九江路B字第八號韋廉士大醫生藥局中國總發行處購買
亦可價銀每六瓶大洋八元每一瓶大洋一元五角 遠近郵費一律不取

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸
零整定價大洋八元九現在老龍頭辛莊均設立分廠儲有此煤以備 光顧就近相購者捷便若弗自取請賞一
音本公司自備有妥實車脚代能送去其脚力品之路途遠近現議較自僱必格外公道其各種焦炭末煤價亦從
廉恐未週知特報宣聞 電話一千二百九十三號 河東糧店街廣昌公司謹白

上海九江路B字第八號韋廉士大醫生藥局啟

商務印書館出版各書上海總發行所 分館 發售

欽定大清會典事例全書 會典 會典圖 進呈原本 版式大小謹遵 商務印書館恭印

是書前由敝館承印伏讀外務部進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期其初蒐無故事朝野皆奉一憲政爲準繩爲國爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津商務印書館新書出版

天津分館開設 河北大胡同 電話五百二十六號

新 啟
告 廣 司 公 限 有 灰 洋



啟者本公司係承唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論臺零交易均可本公司總理處設在天津海大道英租界並在天津奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也
德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參巖等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡絨蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零買均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁鋼料器珠藍 奇巧美術玩器 學界文房用品 旋行携帶等件 精工變身物料 定織各色蓆氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

督署兩等小學招生廣告

一宗旨 以合教官紳士民子弟為主不分省界
二地址 在督署後天緯路北
三學級 本校分高等初等兩級
四課程 高等 講經 歷史 國文 地理

格致 算術 手工 音樂 英語 體操 第三年第二初等 讀經 國文 算術 音樂 團畫
五年齡 學期酌添農業商業工業為隨意科任各學生認學一科 體操 第二年第一學期添歷史地理

高等以十四歲以下十一歲以上為合格
 初等以八歲以上十一歲以下為合格
六學費 免收
七膳費 由本堂備午膳不收費
八書籍操衣 不在堂內用膳者聽

費 均自備
九資格 高等以能作短文為合格 初等以能識字能寫字為合格
十卒業 高等初等均以四年卒業
十一獎勵均遵 部章

高等生卒業最優等得獎廩生優等獎增生中等獎附生 初等由督帥及 提學司考試分數合格由本校發給卒業文憑准其升學
十二報名 由學生父兄偕同妥實保證人至天緯路北本校報名聽候傳考惟本人父兄不得作保證人

督署兩等女學招生廣告

一宗旨 以合教官紳士民女子為主不分省界
二地址 在督署內後花園
三學級 本校分高等初等兩級
四課程 高等 講經 歷史 國文 地理

格致 算術 圖畫 女初等 讀經 國文 算術 音樂 女紅 團畫
五年齡 以上為合格初等以七歲以下十一歲為合格

六學費 免收
七膳費 由本堂備午膳不收費
八書籍操衣費 均自備
九資格 高等以下為合格

十卒業 高等初等均 以四年畢業
十一報名 由學生父兄偕同妥實保證人至天緯路本校報名聽候傳考惟本人父兄不得作保證人

八月二十六日至十月初二日代收甘肅賑捐第四期報告清單

餘杭李二元 李次良二元 李大姑一元 孔福姐一元 李伯遜一元 李壯明一元 李二姑二元 朱振
普一元 卓瑛一元 壽祺堂徐三元 嘉定徐老太太二元 徐太太二元 徐姨太太二元 徐孟鍼二元
黃永昌一元 徐次鏞二元 徐淑慧二元 徐淑貞二元 徐青鍊一元 徐五小姐一元 徐六小姐一元
以上五百二十六號代募洋三十六元 無名氏十元 無名氏三元 以上五百四十六號代募洋十三元 黃
澤霖五元 張雨南三元 呂卿奎一元 袁吉祥一元 聶子敬一元 林勳隅一元 梁達祥一元 以上五
百四十八號代募洋十三元 錢黑琴十元 曹達二十元 章文恆十元 丁綺衛十元 陳文晝十元 吳之
翼二元 吳鳳翼二元 吳鴻翼二元 以上五百五十號代募洋五十六元 以上第四期共收洋四千一百八十
五元五角 共收銀六百七十四兩四錢七分七釐

十月初三日至初十日代收甘肅賑捐第五期報告清單

孟廣漢五元 王歷邦一元 滿如蘭二元 韓振堃一元 杜壽齡二元 李蒲一元 孟昭蘭一元 吳毓金
一元 孟昭萃一元 楊永葉一元 卞永福一元 孟昭禮一元 杜錫瑞一元 王度一元 過自愛一元
張毅芬一元 傅善慶堂四元 沈淑英一元 周竹五角 馮昭 鄧璧 崖寶芸一元 陳錦雲五角 姚韻
士 邵日平一元 楊彥威 顧均青一元 胡燦渠 崔昭華 劉清揚一元 楊其惠 徐德華一元 王光
鈺 王光哲一元 諸希賢二元 陳淑二元 陳錦城 閻錫前一元 張希班 朱志成 馮熙四元 以上
二百二十五號共四十三元 吳振平一元 李錫恩一元 冀敬修一元 李屏南一元 冀紹勸一元 李紹
年一元 冀紹卿一元 李翊亭一元 吳敬軒一元 段省齋一元 車起堂一元 李文甫一元 宗翰臣一
元 冀會亭一元 陳克明一元 張鴻一元 朱麗明一元 張惠芳一元 金邦淑一元 張韞玉一元
盧定生一元 徐秀方一元 鄭澤覃一元 冀慶臣一元 盧潤生一元 孫惠如一元 張雅蘭一元 李蔚
春一元 以上二百二十一號計洋二百八元

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

預 告

本報繙譯路透電報錄要一門倘值詞意兩歧或偶有訛誤之處閱報諸君如有匡謬當隨時更正特此佈達

本報繙譯處謹白

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三才里丁春兄鑒賑款蘭平足六千五百兩已收到敬謝蕃皓印按前項賑款內係京都恆裕金店籌賑匯來京平銀三千兩天津官報局籌賑處公砵平銀三千五百兩兩分交蔚豐厚協同慶兩莊於九月初十日由津電匯甘肅今得覆電特此登告

再查甘賑已無須接濟同人公商擬即停止所有已經書捐及未書捐捐冊務望於十月初十日以前一律交回以便照刊徵信錄

天津官報局甘肅籌賑處謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

天津南開私立第一中學堂招考

新班學生

考期一在本年十二月初六日上午一在明年正月十八日下午